

Lajčák u Otavi: BiH mora ispuniti sve uslove i ciljeve za tranziciju OHR-a na EUSR



“Bosna i Hercegovina mora u potpunosti ispuniti uslove i ciljeve koje je postavilo Vijeće za implementaciju mira kako bi se omogućila tranzicija OHR-a na EUSR, izjavio je visoki predstavnik i specijalni predstavnik EU Miroslav Lajčák nakon sastanka sa zamjenikom ministra vanjskih poslova Kanade, Leonardom Edwardsom, jucer u Otavi.

“Do sada je ostvareno malo pomaka u rješavanju pitanja državne imovine i definiranja statusa Brčkog, što je zabrinjavajuće za članove Vijeća za implementaciju mira”, rekao je Lajčák.

Razgovori sa visokim kanadskim dužnosnicima dio su konsultacija visokog predstavnika/specijalnog predstavnika EU sa državama članicama Vijeća za implementaciju mira pred naredni sastanak Upravnog odbora Vijeća koji će se održati 20. i 21. novembra u Briselu.

Nakon njegove posjete Otavi, visoki predstavnik/specijalni predstavnik EU će posjetiti i Vašington i Ankaru radi održavanja sastanaka sa visokim američkim i turskim zvaničnicima.